

榆次縣志卷之十四

藝文下

尼父頌

晉孫楚

皇矣尼父聖哲之傑德比天地明齊日月周室陵遲大道蕪穢禮樂崩阻姦雄罔世乃養門徒廣延俊乂垂訓列國頌聲魯衛威震夾谷義厭陳蔡德之休明幽而彌泰超美三代風馳雲邁

榮啓期贊

榮公溫雅旣怡旣懌濁以徐清寂然淡泊援琴自娛詠此三樂眉壽無疆惟德之宅

榆次縣志

卷十四

藝文下

反金人銘

晉太廟有石人焉大張其口而書其胸曰我古之多言人也無少言無少事少言少事則後生何述焉夫惟立言名乃長久胡爲塊然生鉗其口凡夫貪財烈士殉名盜蹠爲濁夷柳爲清鮑肆爲臭蘭圃爲馨莫貴澄清莫賤滓穢二者言異歸於一會堯懸諫鼓舜立謗木聽采風謠惟日不足道潤羣生化隆比屋末葉陵遲禮教彌衰承旨則順忤意則違時好細腰宮中皆饑時悅廣額不作細眉逆龍之鱗必陷斯機括囊無咎乃免誅夷顛覆厥德可爲傷悲期可用戒無妄之時假說周廟於言

爲蚩是以君子追而改之

送林明府歸榆次

唐 韋應物

無嗟千里遠亦是宰王畿策馬雨中去逢人關外稀
邑傳榆石在路繞晉山微別意方蕭索新秋一葉飛

南趙城樓

榆次古名南趙

唐 殷 寅

高樓登眺晚烟景奈愁何征戰幾時歇山川秋思多
欲飛遙塞葉稀熟野原禾惟聽雁門雁聲聲自渡河

思鳳亭詩

宋 文彥博

荀令彈琴地吁嗟集鳳兮想同桑雉擾應並棘鸞栖承
乏今無敢思賢古若稽我來求舊址即署改新題不獨

榆次縣志

卷十四

藝文下

二

懷希驥聊將警割鷄一闕循吏表芳躅媿攀躋

登樓望月

在源渦永壽寺作石刻今存源池書院

文彥博

寶刹翬飛切紫霄呪蓮開土木綿袍黃昏尚倚危樓望
反照南榮野梵高

過榆城坂

宋 賀 鑄

車輪欲摧馬蹏折百曲盤盤行未歇黃泥赤坂繞羊腸
何必叩嶮稱險絕絕壁崢嶸聳峭多榆關迴望意如何
閒將往事弔秦趙夕陽近人餓應叫

寄榆次令故人

宋 常夷甫

今日知爲政冰霜不可攀琴中萬家靜花裡一官閒庭

草春浮翠村扉夜不關
縣齋時獨坐吟對壽陽山

游西林寺

宋冀 膺 邑人

雲山深處訪招提
樓閣參差倚翠微
五代干戈留篆額
四時花卉映巖扉
鳴泉漱玉孤童汲
暮磬敲金宿鳥飛
他日致君成大業
終歸此地息塵機

題南趙古廟

元 胡巨源 邑人

鱗皴老樹鐵生斑
神宇荒涼野壑間
地僻無人秋寂寂
一川紅影夕陽閒

過鹿臺山

元 王 暉

遠尋文石岡來歷
南山纏鹿臺臺爲山
幽徑蟠古篆後

榆次縣志

卷十四 藝文下

三

峪行未盡前嶺已當面
秋聲蕩林樾風露淒以泫
陰壑氣蒼鬱疑有虎豹變
山田苦無多溝塹耕已徧
柴棧結半空羅絡碧巖轉
自憐終歲勤獸患防一旦
我本山中人束帶對郵掾
頓然還舊觀瀟灑償夙願
行經雙蟾嶺石狀警變現
闌首榭樹間氣自太古練
月中誰推墜囚鎖屬山縣
乃知北平守認虎飲羽箭
物肖本偶然長歌百層巘

送徐敦禮之榆任

元 馬祖常

雅儒爲政自風流
策馬西征值暮秋
詩句閑來雖愛覓
民情到處隱須求
中原幾歲干戈息
南畝多時黍稷收

但使公庭靜鞭扑徧聽歌詠動并州

曉行榆次

明 陳鳳梧

太行山外擁輶車三月風光草木餘倚馬巖前頻覓句
褰帷道上細看書衣冠久沐清朝化土穴猶存太古居
南望匡衡應萬里白雲飛處是吾廬

題蘭交寺

明 寇天敘 邑人

幾簇人家住半山山頭蒼靄落清瀾老僧記得前朝事
爲說相如葬此間

歸省

明 周 鈇 邑人

使節下榆關高堂戲彩斑向來傷別意今日喜承顏涂

榆次縣志

卷十四 藝文下

四

水道乘便雲中事倍閑平生愧反哺聊自詠南山

山雪

周 鈇

南山一面畫屏清總是滕公造化成林藪摧殘松與柏
峯巒鋪出玉和瓊寒梅開遍應無迹白鶴飛來祇聽聲
誰道秦華終不老而今已作白頭翁

望魯仙寺

明 閻 樸 邑人

寺隱深山裏羣仙迹已荒藥爐經草色丹井泛雲香鳥
拂虛簷度虹依峭壁張空餘松檜在千古鬱蒼蒼

西城書屋

閻 樸

西城宜遠眺禾黍入秋香古樹消殘暑虛亭納晚涼乾

坤醒後闊日月靜中長獨有酬恩願時時向廟廊

西園偶興

閻 樸

清晨坐芳樹高鳥報新晴南圃三春雨東山數里程匡
時舟楫志遯世薜蘿情舊侶雲霄上年來少寄聲

源池賞蓮和閻太史韻

明李敏 邑人

碧山學士訪吾廬東壁光生水竹居草具聊供家客宴
村沽敢擬步兵廚柴桑門戶陶元亮金石文章董仲舒
此會百年知有數荷盃到手肯留餘

駐榆次喜雨

山西巡撫魏允貞 南樂人

四郊亢旱惱愚臣請命殷勤爲晉人稍喜連宵徐布雨

榆次縣志

卷十四

藝文下

五

定知百穀潤生春先憂未必回天地明詔終能動鬼神
扶病晚來添喜色爲農何日便歸身

弔甲申殉城諸烈士

王 駟

涂陽城頭白日暮陰風颯颯前朝樹邃宇高堂十萬家
漆燈不照歸來路憶昔天戈下天市櫓槍未滅方逃死
暈圍參畢尚重重氣壓山河自表裏中都烈士膽如鐵
把劍醜酒深相結楚殘三戶竟亡秦五千甲楯終存越
懷丹不負戴天心化碧焉知塗地血倉皇一幟捲狂氛
坐看多壘暗黃塵礮石四起如雷駭梯衝直上千長雲
獸角摧頽魚齒折歷陽汨沒崑岡焚於時苦霧霾長夏

冤霜夜拂陵茗下戰士營崩鉅鹿沙居人屋碎長平瓦
臺下臨危有結纓路傍致死無鉗馬天迴日轉未由人
移山捩斗何爲者別有幽恨理青陵紅顏白刃紛相爭
幾處投珠葬金谷幾家捐珮弔湘靈佳傳可憐遺漢史
令人卻憶劉更生嗚呼世事安足說睢水常山亦磨滅
老夫爲擬問天辭短髮上衝背盡裂君不見城南古水
日西流洪濤鼓怒無時歇

罕山時雨

褚 鈇

靈山角立勢崔嵬登嶂層巒次第開峻極北聯恒嶽峙
岩巖東向太行來油雲若得從龍岫靈雨應知遍草萊

榆次縣志

卷十四

藝文下

六

四海蒼生仰膏澤好爲霖霖洗塵埃

涂水洪濤

桑 芸 邑人

邑名涂水昉春秋蕩漾城南帶郭流派引眾山歸澗壑
腴分數港灌塍疇驚濤倒映雲偕湧激浪奔騰岸亦浮
我欲濟川須有待釣磯高處且盟鷗

龍門晚照

褚 鈇

龍門何在古城西薄暮登臨返照迷霞散晉山開錦繡
雲凝涂水映虹蜺天垂落日煙光暝地捲斜暉草色萋
荀令去來無鳳鳥空餘舊堞晚鴉棲

源池荷花

褚 鈇

閑來訪勝出城東爭道源池景不窮十里芙蓉香馥馥
一灣湯沐暖融融葉浮圓蓋琉璃碧華豎長簷錦繡紅
他日致君堯舜域攜朋此地吸荷筒

榆城煙柳

孫昌邑人

卧龍岡下古榆城千樹依依柳色新玉絮天晴飄作雪
金絲日暖照成茵浮煙遠訝隋隄景翠靄遙連漢苑春
莫厭長亭歧路側幾多攀折送離人

井峪寒泉

桑芸

每從茗戰覓佳泉井峪清流感沸鮮幾勺寒涓澄見底
一泓甘溜碧涵天淙淙玉韻喧晨瀑湜湜雲根浸曉煙
榆次縣志

卷十四 藝文下

七

見說明王堪用汲豈令終賦樂飢篇

神林積雪

褚鈇

神木森森倚翠岑幾年餘雪聚深林世情冷暖隨冬夏
山色淒涼無古今幽澗凝冰欺碧玉寒岩積素擬南琛
高山絕頂人來少獨對長松學浪吟

蘭交無霜

王介石邑人

村隈盤繞勢逶迤傳道遺麻蔭此陂忠義回天榮蔓草
陽和布地護棠枝爲坵爲里參疑信說蘭說唐互轉移
往事莫須且未辨但存好景永留垂

己丑城守紀事

桑芸

得一良令尹賢於十萬師昔曾問此語於今始驗之榆
民近日稱凋敝楊侯德政相存濟飛輓紛紛火檄催車
輪驢運如波逝不愁竭力奉公家惟愁兵火亂桑麻西
山赤羽吹汾水風鶴煽傳驚草蛇甲申前歲遭陽九屠
城白骨磷磷朽傷弓鳥雀畏流星拋家棄井咸狂走侯
言聞變勿周章山莊未必盡安康職有慈親亦在此誓
須迸力鞏巖疆一時嚴飭如雷震保伍束脛堅守信先
聲遠襲敵謀沮純忱仰格天心順霏霏精采動旌旗邏
兵哨騎畏侯威不敢牧馬罕山麓不敢飲馬涂川磯鄰
壤咫尺卵窠破榆獲晏然高枕卧一人錫福萬人安不
鐸賢又不見返風滅火江陵令長者之言豈偶然

紫垣張孝子歌

王 系 邑人

孝弟本庸行庸極乃見奇至性所感發生死不自知生
平愛髮膚舉足慎臨歧臨危不敢惜白刃甘如飴受之
於父母還救父母危豈曰名義重吾其勉赴之紫垣素
慎謹斷指事堪悲斷指類刲股灑血尤淋漓天欲植綱
常不令孝子萎 聖朝隆孝治褒寵有榮施嗚乎庸
亦不可易奇亦非有異還於天性中各自反真意

次閻天池小松元韻

王 訢 邑人

落落小松樹垂垂曲檻中橫柯低礙石翠鬣欲生風天
地儲精在冰霜閱世空自來誰一問惟汝具雙瞳

河內境望太行山

王訢

北向藩全晉南來觸倦遊近天騰絕壁特地割平疇綠
竹依稀盡黃河自在流孫陽不世出老馬復何求

閔居

閔南圖

邑人

雨霽山扉掩青苔一徑生空崖留月影老樹聚秋聲蟲
響依林急螢光入水明彈琴松牖下寂寞感遙情

即事二首

白翰墨

邑人

登山採玉芝寂絕穿林去尋遍白雪巔靈苗應有處

榆次縣志

卷十四

藝文下

九

又

白翰墨

攜鎌出敝廬南園刈春韭少取不盈籃香蔬生復有

遊仙詩

白翰墨

暫住蓬萊一萬年幾看東海變桑田長春花下閒無事
拾得雲根欲補天

榆石銘

郝文光

邑人

雷何以鳴風何以噫人習見之恬不爲怪石偶有言世
遂警喧道費而隱存而不論民聽濫也奔走愚昏理自
昭昭物自曉曉石旣默默人猶曉曉爰覆以亭爰題其
頌修而銘之以彰厥盛劉君寄夢予亦未醒是耶非耶

石無以應

榆次縣志

卷十四

藝文下

十

趙烈女辭 履徇亭集

大學士 祁寯藻 壽陽人

烈女趙二姑家於榆次之雙村墓於王胡 解一強暴者誰

閻思虎烈女年十三欲死寃未愬愬於父母鳴之官請

急捕虎 解二 官曰女母多言女奚寃縱虎弗治女聲吞 解三

愬於御史臺臺咨大吏大吏曰女母多言女奚寃縱虎

弗治縱官弗問女呼天 解四 昔不死寃未愬寃再愬逢彼

怒女有一寸鐵剖喉代女言剖腹代女明其苦炎天六

月尸不腐 解五 官吏恟於堂士民譁於鄉行人歎憤自晉

千里達都京 解六 給諫梁公中靖夕削草朝拜疏請逮虎

下之部刑未施虎已俯官實為之縱虎弗治女死有寃

榆次縣志 卷十四 趙烈女辭 十一

奚所愬 解七 煌煌 丹詔旌爾烈女譴彼官吏磔虎於

市 解八 趙烈女徐蔡氏世間奇寃那有此 解九 若非照以日

月激以雷電覆盆之下何由見守土者可以鑑吁嗟梁

公真給諫 解十 徐蔡氏浙江案亦道光年間 特旨

題兩賢祠 書院山長 黃宅中 河曲人

名臣豈獨吏才優小試烹鮮宦蹟留兩代循良同俎豆

一龕香火報春秋清風槐肆開新舍化雨棠郊聽舊謳

夜月祠前明似鏡至今猶照鳳凰樓